



Borgarráð

### **Aðgengisstefna Reykjavíkurborgar**

Stýrihópur um heildstæða stefnu í aðgengismálum vísar hér með drögum að nýrri aðgengisstefnu Reykjavíkurborgar til ársins 2030, til borgarráðs til samþykktar. Meðfylgjandi eru drög að stefnunni ásamt aðgerðaáætlun og viðauka auk erindisbréfs stýrihópsins.

Stýrihópur um heildstæða stefnu í aðgengismálum var skipaður þann 11. september árið 2020 og hefur hann unnið aðgengisstefnuna í nánu samráði við aðgengis- og samráðsnefnd í málefnum fatlaðs fólks frá upphafi, þar sem stefnan hefur reglulega verið til umfjöllunar á fundum nefndarinnar. Í samráðsferlinu var einnig óskað eftir aðgengissögum frá borgarbúum á Betri Reykjavík auk þess sem haldin var vinnustofa með hagsmunasamtökum fatlaðs fólks vorið 2021. Aðgengisstefnan var í opnu umsagnarferli frá 8. apríl til og með 21. apríl sl. og að lokum var haldinn samráðsfundur með borgarfulltrúum um stefnuna þann 22. apríl.

Við gerð stefnunnar var einnig leitað ráðgjafar hjá Arcur ráðgjöf sem veitti leiðsögn varðandi framsetningu á stefnunni sjálfri og aðgerðaáætlun.

Óskað er eftir að borgarráð samþykki stefnuna með fyrirvara um kostnaðarmat á aðgerðum frá umhverfis- og skipulagssviði sem vísað yrði inn í fjárhagsáætlunargerð fyrir árið 2023.

Jafnframt er óskað staðfestingar borgarstjórnar.

Virðingarfyllst,

Tómas Ingi Adolfsson  
*Miðlæg stjórnsýsla*  
*Mannréttinda- og lýðræðisskrifstofa*

Hjálagt:

Drög að aðgengisstefnu Reykjavíkurborgar ásamt fylgiskjölum.



# Aðgengisstefna Reykjavíkurborgar

## 2022-2030





Aðgengi er eitt af lykilhugtökunum þegar kemur að réttindum fatlaðs fólks og hefur hugtakið þróast í áranna rás. Nú er almennt fjallað um aðgengi sem ferli sem felst í því að aðlaga og skipuleggja starfsemi samfélagsins á þann hátt að fatlað fólk geti að fullu verið þátttakendur til jafns við aðra. Samfélagið sé þannig skipulagt í samræmi við hugmyndafræði algildrar hönnunar.

Margt hefur breyst frá því aðgengi var fyrst skilgreint og var þá fyrst og fremst hugsað út frá aðgengi að byggingum með römpum, lyftum og þess háttar. Nú er aðgengi mun víðar skilgreint og felur í sér aðgengi að þjónustu, menntun, atvinnu, upplýsingum og samgöngum svo eitthvað sé nefnt auk aðgengis að byggingum.

Aðgengisstefna Reykjavíkurborgar er heildstæð stefna um aðgengismál í víðum skilningi. Hún byggir á hugmyndafræði um algilda hönnun, bæði hvað varðar aðgengi að byggingum og borgarrýmum auk aðgengis að upplýsingum, þjónustu og stuðningi.



# Tilgangur stefnunnar

**Með gerð og framkvæmd aðgengisstefnu**

**Reykjavíkurborgar setur borgin sér það markmið að vera aðgengileg borg fyrir alla íbúa og aðra sem hana heimsækja og búa við fjölbreyttar aðgengisþarfir.**

Stefnan gildir til ársins 2030. Í stefnunni er sett fram framtíðarsýn ásamt þremur meginmarkmiðum og áherslum. Aðgerðaráætlun stefnunnar er í gildi frá samþykkt til loka árs 2024, en þá verður hún endurskoðuð.

Mannréttinda- og lýðræðisskrifstofa heldur utan um innleiðingu stefnunnar og aðgerðir tengdar henni í samráði við viðeigandi ráð og nefndir sem og tengiliði fagsviða Reykjavíkurborgar. Mismunandi verkefni eru á ábyrgð tilheyrandi fagsviða eftir málauflokkum. Aðgengis- og samráðsnefnd hefur eftirlit með að stefnunni og að aðgerðaáætluninni sé framfylgt.

## Eftifarandi níu atriði eru leiðarljós stefnunnar:

1. Að innleiða Samning Sameinuðu þjóðanna um réttindi fatlaðs fólks og hugmyndafræði um sjálfstætt líf og algilda hönnun.
2. Að einfalt sé fyrir borgarbúa að afla upplýsinga um rétt sinn til þjónustu.
3. Að borgin eigi frumkvæði að því að bjóða fólk þá þjónustu sem það á rétt á.
4. Að fólk upplifi öryggi og þægilegt aðgengi í mannvirkjum og innan borgarlandsins.
5. Að viðburðir borgarinnar séu fyrir öll og mæti fjölbreyttum þörfum.
6. Að umhverfi og þjónusta geri ráð fyrir fjölbreyttri færni og ólíkum einstaklingum en meginregla í allri þjónustu og umhverfi borgarinnar sé ein leið fyrir öll.
7. Að allir borgarbúar hafi jafnan rétt til þátttöku og upplifi sig sem hluta af samfélagini.
8. Að allir íbúar fái nauðsynlegan stuðning til að geta sótt og nýtt þjónustu.
9. Að haft sé samráð við fatlað fólk og hagsmunasamtök varðandi öll málefni sem varða hagsmuni þess.



# Stöðumat og helstu áskoranir



**Fatlað fólk á Íslandi er fjölmennur og fjölbreyttur hópur. Fjöldi fólks býr við skerðingu sem hamlar þeim verulega vegna skorts á aðgengi af ýmsu tagi. Hér á landi þarf að huga sérstaklega að aðgengismálum eigi fatlað fólk að njóta almennrar þátttöku í samfélUGINU til jafns við ófatlað fólk.**

Algild hönnun er hugtak sem felur í sér að öll þjónusta sveitarfélagsins þ.m.t., húsnæði, skipulag á opnum svæðum, viðburðir, upplýsingar og stuðningur gangi út frá þeiri meginreglu hún gagnist öllum og að ekki sé þörf fyrir sértækjar lausnir til að mæta aðgengisþörfum fólks nema í undantekningatilvikum og þá með rökstuðningi. Stafræn þjónusta og umbætur í þjónustu verða að gagnast öllum íbúum.

Þar sem Reykjavíkurborg veitir enn þjónustu í eldra húsnæði hindrar það oft á tíðum að viðunandi aðgengi sé tryggt. Í þeim tilfellum þar sem umbótum verður ekki viðkomið með góðu móti þarf að taka afstöðu til þess með hvaða hætti sé hægt að veita borgarbúum þjónustu í húsnæðinu.



# Framtíðarsýn



Reykjavíkurborg er í fararbroddi hvað varðar viðhorfsbreytingu gagnvart fötluðu fólk og aðgengispörfum þess.

**Þjónusta Reykjavíkurborgar ásamt húsnæði, skipulögðum opnum svæðum, viðburðum, upplýsingum og stuðningi er aðgengileg öllum borgarbúum óháð fjölbreyttum aðgengispörfum þeirra.**

**Fatlað fólk geti borið sig eftir þjónustu og nýtt hana ásamt því að afla sér upplýsinga um rétt sinn með þá meginreglu að takmarka skal sérlausnir fyrir einstaka hópa en miða við að öll geti nýtt sér þjónustuna.**

Reykjavíkurborg tryggir þjónustu gagnvart hópum sem þurfa á stuðningi að halda við athafnir daglegs lífs.



# Meginmarkmið

Aðgengisstefna Reykjavíkurborgar byggir á **þremur meginmarkmiðum**. Hvert og eitt þeirra á að stuðla að umbótum á sviði aðgengismála sem styðji við framtíðarsýn stefnunnar. Á grunni hvers meginmarkmiðs eru mótaðar áherslur og aðgerðir.



## Meginmarkmiðin eru eftirfarandi:

- Húsnæði með starfsemi á vegum Reykjavíkurborgar sé aðgengilegt öllum.**
- Skipulagt borgarland styðji við fjölbreyttar þarfir og öll komist leiðar sinnar óháð samgöngumáta.**
- Þjónusta og viðburðir á vegum borgarinnar mæti þörfum ólíkra hópa.**




# Áherslur

Eftirfarandi áherslur lýsa nánar þeim sjónarmiðum sem koma fram í meginmarkmiðum. Á grunni eftirfarandi stefnumarkandi áherslna eru mótuð mælanleg markmið og aðgerðir.



# 1. Húsnæði með starfsemi á vegum Reykjavíkurborgar sé aðgengilegt öllum



1. Við nýbyggingar og allar framkvæmdir skal tryggja aðgengi fyrir öll á grunni algildrar hönnunar.
2. Bæta skal aðgengi að eldra húsnæði sem borgin á eða leigir undir starfsemi sína með skipulögðum hætti.
3. Merkingar og upplýsingagjöf um aðgengi innan húsnæðis á vegum borgarinnar sé skýr fyrir þá sem þangað sækja.
4. Upplýsingar um aðgengi að mannvirkjum Reykjavíkurborgar verði bættar og miðlað á skipulagðan hátt.
5. Starfsfólk Reykjavíkurborgar fái viðeigandi fræðslu til að geta veitt íbúum þjónustu óháð aðgengisþörfum þeirra.



## 2. Borgarland styðji við fjölbreyttar þarfir og allir íbúar komist leiðar sinnar óháð samgöngumáta



1. Fólk með ólíka færni og fötlun geti komist leiðar sinnar án þess að þörf sé fyrir sérlausnir.
2. Almenningssamgöngur og aðkoma að þeim mæti þörfum hópa með ólíka færni og fötlun.
3. Einkaaðilar verði hvattir til að gæta að umhverfi og aðgengi til að mæta fjölbreyttum þörfum ólíkra hópa.
4. Aðgengi fyrir öll á framkvæmdasvæðum verði tryggt með römpum og góðri upplýsingagjöf.
5. Bílastæði fyrir notendur stæðiskorta hreyfihamlaðs fólks (P-merkja) séu þekkt, sýnileg og aðgengileg.



### 3. Þjónusta og viðburðir á vegum borgarinnar mæti þörfum ólíkra hópa

1. Upplýsingagjöf á vefsíðum Reykjavíkurborgar uppfylli alþjóðlega staðla og viðmið um aðgengi, þ.á m. vefaðgengistilskipun ESB.
2. Upplýsingar um þjónustu séu aðgengilegar og einfaldar.
3. Ætíð sé gætt að aðgengi á skipulögðum viðburðum á vegum borgarinnar og stuðningur sé til staðar.
4. Aðferðafræði notendamiðaðrar hönnunar sé beitt við umbreytingu á þjónustu og aðgengi allra tryggt að stafrænni þjónustu.
5. Starfsfólk Reykjavíkurborgar sé upplýst og meðvitað um fjölbreyttar aðgengis- og stuðningsbarfir íbúa.





# Aðgerðaáætlun með aðgengisstefnu 2022 - 2024

Hér á eftir fer aðgerðaáætlun með aðgengisstefnu Reykjavíkurborgar til ársins 2024 en þá verður hún endurskoðuð í samstarfi aðgengis- og samráðsnefndar í málefnum fatlaðs fólks og starfsfólks nefndarinnar. Áhersla er lögð á að við útfærslu aðgerða verði ávallt haft samráð við aðgengis- og samráðsnefnd borgarinnar í málefnum fatlaðs fólks og eftir atvikum hagsmunasamtök fatlaðs fólks.

## 1. Aðgengi að húsnæði

**Meginmarkmið:** Allt húsnæði í eigu Reykjavíkurborgar og/eða sem Reykjavíkurborg leigir undir starfsemi verði aðgengilegt fólk með fjölbreyttar aðgengisþarfir. Aðkoma sé einnig með þeim hætti að aðgengi sé tryggt óháð samgöngumáta fólks.

**Aðgerð 1.1:** Unnið verði úr fyrirliggjandi aðgengisúttektum á húsnæði borgarinnar.

**Ábyrgð:** Umhverfis- og skipulagssvið í samráði við aðgengis- og samráðsnefnd.

**Aðgerð 1.2:** Að forgangsraða leikskólum og grunnskólum í hverju hverfi borgarinnar sem yrðu gerðir fullkomlega aðgengilegir fötluðum nemendum með fjölbreyttar aðgengisþarfir.

**Markmið 1.2:** 2-5 leikskólar aðgengilegir öllum í lok árs 2023. 2-5 grunnskólar aðgengilegir öllum í lok árs 2023.

**Ábyrgð:** Umhverfis- og skipulagssvið ásamt skóla- og frístundasviði og mannréttinda- og lýðræðisskrifstofu.

**Aðgerð 1.3:** Við endurnýjun grunn- og leikskólalóða sé tryggt að hönnun og breytingar uppfylli hugmyndafræði algildrar hönnunar. Leitast sé við að bjóða upp á leiktæki sem henta sem flestum hópum óháð aldri, fötlun og færni.

**Ábyrgð:** Umhverfis- og skipulagssvið í samráði við skóla- og frístundasvið og aðgengis- og samráðsnefnd.



# Aðgerðaáætlun með aðgengisstefnu 2022 - 2024

## 1. Aðgengi að húsnæði frh.

**Aðgerð 1.4:** Tryggja að nýframkvæmdir og stærri viðhaldsverkefni berist aðgengis- og samráðsnefnd til umsagnar. Til dæmis með kynningu á hlutverki nefndarinnar á Workplace og víðar.

**Ábyrgð:** Mannréttinda- og lýðræðisskrifstofa, umhverfis- og skipulagssvið og velferðarsvið.

**Aðgerð 1.5:** Merkingar á punktaletri verði settar upp við aðalinnganga og í lyftum í húsnæði á vegum Reykjavíkurborgar þar sem almenningur sækir þjónustu.

**Markmið 1.5:** Úttekt verði framkvæmd árlega á 15-20 byggingum og farið í viðeigandi úrbætur.

**Ábyrgð:** Umhverfis- og skipulagssvið í samstarfi við þjónustu – og nýsköpunarsvið og aðgengis- og samráðsnefnd.

**Aðgerð 1.6:** Talgervlar verði settir í allar lyftur í húsnæði þar sem Reykjavíkurborg er með starfsemi.

**Markmið 1.6:** Talgervlar settir upp árlega í 10-15 byggingum.

**Ábyrgð:** Umhverfis- og skipulagssvið í samráði við aðgengis- og samráðsnefnd.

**Aðgerð 1.7:** Tryggja að unnið sé eftir gálistum umhverfis- og skipulagssviðs um aðgengismál þegar unnið er að framkvæmdum á húsnæði og útisvæðum á vegum Reykjavíkurborgar.

**Ábyrgð:** Umhverfis- og skipulagssvið.



# Aðgerðaáætlun með aðgengisstefnu 2022 - 2024

## 1. Aðgengi að húsnæði frh.

**Aðgerð 1.8.** Setja upp hljóðrænt og sjónrænt tilkynningakerfi í þjónustuverum borgarinnar og annars staðar þar sem fólk þarf að sækja þjónustu og notast er við númerakerfi.

**Markmið 1.8:** Öll þjónustuver borgarinnar hafi hljóðrænt og sjónrænt tilkynningakerfi í árslok 2024.

**Ábyrgð:** Þjónustu- og nýsköpunarsvið og umhverfis- og skipulagssvið.

**Aðgerð 1.9.** Vinna að uppsetningu sjónrænna brunakerfa í húsnæði á vegum Reykjavíkurborgar. Blikkljós fari þannig í gang á lykilstaðsetningum svo að fólk með heyrnarskerðingu verði vart við brunaviðvaranir.

**Markmið 1.9:** Sjónræn brunakerfi séu sett upp í 10-15 byggingum árlega.

**Ábyrgð:** Þjónustu- og nýsköpunarsvið og umhverfis- og skipulagssvið.

**Aðgerð 1.10.** Vinna að uppsetningu sjónrænna merkinga á tröppunefum í gönguleiðum innanhúss í húsnæði borgarinnar.

**Markmið 1.10:** Uppsetning sé á gönguleiðum í um 10-15 byggingum árlega.

**Ábyrgð:** Umhverfis- og skipulagssvið í samráði við aðgengis- og samráðsnefnd.

**Aðgerð 1.11.** Greind verði þörf á úrbótum á setsvæðum í húsnæði borgarinnar þar sem almenningur sækir þjónustu, með það að markmiði að mæta aðgengispörfum fólks með hreyfihömlun, gigtveikra o.fl. hópa.

**Ábyrgð:** Þjónustu- og nýsköpunarsvið í samráði við umhverfis- og skipulagssvið og aðgengis- og samráðsnefnd.



# Aðgerðaáætlun með aðgengisstefnu 2022 - 2024

## 2. Aðgengi að borgarlandi

**Meginmarkmið:** Borgarland styðji við fjölbreyttar þarfir og að allir íbúar komast leiðar sinnar óháð samgöngumáta.

**Aðgerð 2.1:** Öll gönguljós í Reykjavík séu með hljóði og skynjara auk þess sem staðsetning nauðsynlegra hnappa sé hugsuð út frá aðgengi.

**Markmið 2.1:** Hlutfall slíkra gönguljósa í Reykjavík verði 70% fyrir lok árs 2024.

**Ábyrgð:** Umhverfis- og skipulagssvið.

**Aðgerð 2.2:** Aðgengis- og samráðsnefnd fái til umsagnar staðsetningar á P-merktum bílastæðum í borgarlandinu.

**Ábyrgð:** Umhverfis- og skipulagssvið

**Aðgerð 2.3:** Að tryggja að lágmarki árlegt samtal milli skrifstofu reksturs og umhirðu og aðgengis- og samráðsnefndar vegna forgangsröðunar vetrarþjónustu í Reykjavík.

Áhersla verði lögð á að tryggja forgang í vetrarþjónustu við staði þar sem vitað er að fatlað fólk býr eða starfar, svo sem við íbúðakjarna eða starfsstaði sem sérstaklega eru ætlaðir fötluðu fólki.

**Ábyrgð:** Mannréttinda- og lýðræðisskrifstofa og umhverfis- og skipulagssvið.

**Aðgerð 2.4:** Við endurnýjun opinna leiksvæða sé tryggt að hönnun og breytingar uppfylli hugmyndafræði algildrar hönnunar. Leitast sé við að bjóða upp á leiktæki sem henta sem flestum hópum óháð aldri, fötlun og færni.

**Ábyrgð:** Umhverfis- og skipulagssvið í samráði við aðgengis- og samráðsnefnd.



# Aðgerðaáætlun með aðgengisstefnu 2022 - 2024

## 2. Aðgengi að borgarlandi frh.

**Aðgerð 2.5:** Haldið verði áfram vinnu við aðgengisúrbætur við biðstöðvar út frá úttekt sem gerð var á ástandi biðstöðva Strætó árið 2020.

**Ábyrgð:** Umhverfis- og skipulagssvið.

**Aðgerð 2.6.** Greind verði þörf á úrbótum á setsvæðum í borgarlandinu með það að markmiði að mæta aðgengispörfum fólks með hreyfihömlun, gigtveikra o.fl. hópa.

**Ábyrgð:** Umhverfis- og skipulagssvið í samráði við aðgengis- og samráðsnefnd.

**Aðgerð 2.7.** Rýndar verði helstu ástæður þess að aðgengi á framkvæmdasvæðum sé oft á tíðum ábótavant og tillögur verði gerðar tillögur að úrbótum.

**Ábyrgð:** Umhverfis- og skipulagssvið í samráði við aðgengis- og samráðsnefnd.

**Aðgerð 2.8.** P-merkt stæði í borgarlandinu verði kortlögð og merkt inn á stafrænt götukort ja.is eða Google.

**Ábyrgð:** Umhverfis- og skipulagssvið og þjónustu- og nýsköpunarsvið.



# Aðgerðaáætlun með aðgengisstefnu 2022 - 2024

## 3. Aðgengi að þjónustu og viðburðum

**Meginmarkmið:** Þjónusta Reykjavíkurborgar og viðburðir á vegum borgarinnar séu aðgengilegir öllum.

**Aðgerð 3.1:** Upplýsingar um þjónustu Reykjavíkurborgar séu aðgengilegar fyrir fatlað fólk með mismunandi aðgengisþarfir. Tryggt verði að vefur Reykjavíkurborgar standist aðgengiskröfur t.d. með tilliti til notkunar á talgervlum.

**Markmið 3.1:** 90% vefsíðna standist aðgengispróf í reglugundnum 3-4 stikkprufum á ári.

**Ábyrgð:** Þjónustu- og nýsköpunarsvið.

**Aðgerð 3.2:** Gefnr séu út gátlistar um aðgengismál á viðburðum sem berist sviðum og starfsstöðum borgarinnar og tryggt að unnið sé eftir þeim.

**Ábyrgð:** Mannréttinda- og lýðræðisskrifstofa í samstarfi við velferðarsvið, umhverfis- og skipulagssvið og þjónustu- og nýsköpunarsvið.

**Aðgerð 3.3:** Skipulagning stærri viðburða í borginni sem fela í sér lokanir gatna og verulegt inngríp í leiðakerfi almenningssamgangna fari fram í samráði við aðgengis- og samráðsnefnd borgarinnar og eftir atvikum einnig önnur hagsmunasamtök fatlaðs fólks.

**Ábyrgð:** Menningar- og ferðamálasvið.

**Aðgerð 3.4:** Við gerð stafrænna lausna á þjónustu Reykjavíkurborgar sé haft samráð við notendur þjónustunnar og aðgengis- og samráðsnefnd í málefnum fatlaðs fólks.

**Markmið 3.4:** Kannað sé við framkvæmd verkefna reglugundið hvort notendasamráð hafi átt sér stað.

**Ábyrgð:** Þjónustu- og nýsköpunarsvið í samstarfi við viðeigandi svið og skrifstofur hverju sinni.



# Aðgerðaáætlun með aðgengisstefnu 2022 - 2024

## 3. Aðgengi að þjónustu og viðburðum frh.

**Aðgerð 3.5:** Stjórnendur og starfsfólk borgarinnar fái fræðslu um frumkvæðiðisskyldu starfsfólks gagnvart fötluðu fólk sem notar þjónustu borgarinnar, sbr. 32. gr. laga um málefni fatlaðs fólks með langvarandi stuðningsþarfir nr. 38/2018.

**Ábyrgð:** Mannauðs- og starfsumhverfissvið ásamt mannréttinda- og lýðræðiðsskrifstofu og velferðarsviði.



# Aðgerðaáætlun með aðgengisstefnu 2022 - 2024

## 4. Aðrar aðgerðir

**4.1.** Að veita aðgengisviðurkenningu Reykjavíkurborgar árlega til aðila sem hafa staðið vel að aðgengismálum og/eða barist fyrir bættu aðgengi með eftirtektarverðum hætti.

**Ábyrgð:** Aðgengis- og samráðsnefnd Reykjavíkurborgar og mannréttinda- og lýðræðisskrifstofa.

**4.2.** Ráðinn verði aðgengisfulltrúi í eitt stöðugildi sem hafi það hlutverk að tryggja framgang aðgerðaáætlunarinnar. Aðgengisfulltrúi muni jafnframt sitja fundi aðgengis- og samráðsnefndar.

**Ábyrgð:** Umhverfis- og skipulagssvið og mannréttinda- og lýðræðisskrifstofa.

**4.3.** Aðgerðir sem framkvæmdar eru í aðgerðaáætlun verði kynntar fyrir starfsfólk borgarinnar og borgarbúum, t.d. með tilkynningum á Workplace og fréttatilkynningum.

**Ábyrgð:** Mannréttinda- og lýðræðisskrifstofa og aðgengis- og samráðsnefnd.



# Viðauki með aðgengisstefnu Reykjavíkurborgar

Tengsl við aðra stefnumörkun innan og utan Reykjavíkurborgar

Aðgengisstefnan tekur jafnframt mið af stefnu Reykjavíkurborgar um aðgengismál frá árinu 2004, sem fellur úr gildi við við samþykkt þessarar stefnu.

Aðgengisstefnan hefur að leiðarljósi samning Sameinuðu þjóðanna um réttindi fatlaðs fólks. Auk þess tekur stefnan mið af eftirfarandi stefnum, lögum, reglugerðum og markmiðum.

Í **4. heimsmarkmiði Sameinuðu þjóðanna segir** að eigi síðar en árið 2030 hafi kynjamismunun í menntakerfinu verið afnumin og jafn aðgangur að námi á öllum stigum tryggður og starfsþjálfun fyrir fólk í viðkvæmri stöðu, þar á meðal fyrir fatlað fólk, frumbyggja og börn sem búa við erfiðar aðstæður.

Í **10. heimsmarkmiði Sameinuðu þjóðanna** er fjallað um aukinn jöfnuð. Í grein 10.2. segir að eigi síðar en 2030 verði öllum gert kleift að taka þátt í félagslíf og hafa afskipti af efnahagsmálum og stjórnámum án tillits til aldurs, kyns, fötlunar, kynþáttar, þjóðernis, uppruna, trúarbragða, efnahags eða annarrar stöðu.

Í **11. heimsmarkmiðinu** sem snýr að sjálfbærum borgum og samfélögum segir að eigi síðar en 2030 verði græn svæði gerð örugg og aðgengileg fyrir almenning, einkum konur og börn, eldra fólk og fatlað fólk.

Í **9. gr. Samnings Sameinuðu þjóðanna um réttindi fatlaðs fólks** segir að aðildarríki samningsins skuli gera viðeigandi ráðstafanir í því skyni að gera fötluðu fólk kleift að lifa sjálfstæðu lífi og taka fullan þátt á öllum sviðum samfélagsins. Ráðstafanir miða að því að tryggja fötluðu fólk aðgang til jafns við aðra að efnislegu umhverfi, að samgöngum, að upplýsingum og samskiptum, þar með talið upplýsinga- og samskiptatækni og þjónustu sem veitt er almenningi.



# Viðauki framhald.

Í byggingareglugerð nr. 112/2012 með áorðnum breytingum er fjallað um algilda hönnun. Segir þar að ávallt skuli leitast við að beita algildri hönnun þannig að byggingar og lóðir þeirra séu aðgengilegar öllum án sérstakrar aðstoðar. Í grein 6.1.3. er greint frá því hvaða byggingar ásamt aðkomu að þeim skuli hanna á grundvelli algildrar hönnunar. Er þar fjallað um byggingar sem ætlaðar eru almenningi, t.d. opinberar stofnanir og skrifstofuhús, sundlaugar og íþróttamiðstöðvar. Einnig á greinin við um skólabyggingar og frístundaheimili, húsnæði sem ætlað er eldri borgurum og fötluðu fólk.

Í mannréttindastefnu Reykjavíkurborgar kemur fram að framlag fatlaðs fólks til velsældar og fjölbreytni borgarsamfélagsins sé verðmætt. Virk þátttaka fatlaðs fólks í samfélaginu eru grundvallarmannréttindi og koma öllum til góða. Þegar þjónusta er skipulögð skal hún taka mið af ólíkum þörfum hópa fatlaðs fólks af öllum kynjum. Opinberar byggingar eiga að vera aðgengilegar fyrir alla, óháð fötlun, samanber lög um málefni fatlaðs fólks nr. 59/1992.

Í þjónustustefnu Reykjavíkurborgar kemur fram í einu af leiðarljósum stefnunnar að veitt sé aðgengileg þjónusta, sem taki mið af þörfum notenda hverju sinni. Lögð sé áhersla á að fólk geti auðveldlega fundið þjónustuna og nýtt sér hana án utanaðkomandi aðstoðar. Þetta eigi við um alla þjónustu borgarinnar, bæði stafrænt viðmóti og þjónustu í eigin persónu.

Í velferðarstefnu Reykjavíkurborgar er fjallað um nálægð og aðgengileika.

Í kafla 2.1. segir að útfæra eigi breytingar á þjónustunni. Útfæra eigi hvernig auka megi aðgengi, viðbragðssnerpu og einfaldleika í velferðarþjónustu.

Í kafla 2.2 segir að efla eigi notkun stafrænna lausna. Auka eigi nýtingu stafrænna lausna með það að markmiði að bæta upplifun notenda, einfalda innri ferla og nýta gögn í þágu notenda þjónustunnar. Mikilvægt sé að koma á tengingum við kerfi samstarfsaðila, innan sem utan borgarinnar. Samhliða því skuli tryggja gott aðgengi að þjónustunni fyrir fólk sem einhverra hluta vegna getur ekki nýtt sér stafrænar lausnir.

Í kafla 2.3. segir jafnframt að nota skuli vandað, skýrt og auðskilið mál.



# Viðauki framhald.

Í menntastefnu Reykjavíkurborgar til ársins 2030 segir meðal annars að það sé mikilvægt verkefni að tryggja jöfn tækifæri og aðgang barna að fjölbreyttu námi og starfi sem er í samræmi við áhuga þeirra og hæfileika. Jafnframt segir að tryggja þurfi að húsnæði og aðstaða til skóla- og frístundastarfs veiti fullnægjandi umgjörð um metnaðarfullt starf og stuðli að heilbrigði og vellíðan barna og starfsmanna.

Í stefnu Reykjavíkurborgar í málefnum lista og menningar, sem ber heitið List og menning í Reykjavík 2030, er sett fram það markmið að menningarlíf borgarinnar eigi að standa öllum opið þannig að hver og einn skynji hlutdeild sína í menningarlífinu, geti tekið þátt í því á eigin forsendum og öll hafi jafnt aðgengi.

Í upplýsingastefnu Reykjavíkurborgar segir að upplýsingar frá Reykjavíkurborg skuli vera áreiðanlegar, traustar og aðgengilegar. Í stefnunni er fjallað um notendamiðað aðgengi. Taka skal mið af því að borgarbúar hafa ólíkar þarfir fyrir upplýsingar og framsetningu þeirra. Upplýsingar eiga að vera skýrt settar fram og notast á við viðurkennda aðgengisstaðla í upplýsingagjöf, sérstaklega fyrir íbúa með sérþarfir.

Í málstefnu Reykjavíkurborgar kemur fram að í rafrænni þjónustu borgarinnar skuli allt mál vera skýrt og auðskiljanlegt þannig að borgarbúar geti hæglega hagnýtt sér hana og lokið erindum sínum. Viðmót og aðgengi skuli vera í samræmi við alþjóðlega staðla um upplýsingamiðlun til fólks með sérþarfir og fötlun. Markmiðið er að gera allt efni á vef borgarinnar aðgengilegt með helstu hjálpartækjum, svo sem skjálesurum og talgervlum. Reykjavíkurborg skuli sjá til þess að þeir sem þurfa geti fengið allar grunnupplýsingar um þjónustu og aðra starfsemi og á íslensku táknmáli, svo sem með táknmálsviðmóti á vef og með þjónustu táknmálstúlk, sbr. lög um stöðu íslenskrar tungu og íslensks táknmáls 13. gr. Leitast skal við að lykilmerkingar á þjónustustöðum borgarinnar, s.s. í og við lyftur og aðalinnganga, séu jafnframt á punktaletri svo blindir og sjónskertir rati þar um.



# Viðauki framhald

Í lýðræðisstefnu Reykjavíkurborgar er miðað að því að efla lýðræðislega þáttöku borgarbúa og formgera enn frekar möguleika íbúa til þess að hafa áhrif á málefni sem þá varða. Horft er sérstaklega til þess að þær leiðir sem borgin notar til þess að eiga í samskiptum séu þannig úr garði gerðar að allir hópar samfélagsins hafi jöfn tækifæri til aðkomu að ákvarðanatöku.

Í **Græna planinu**, sóknaráætlun Reykjavíkurborgar til 2030 segir í kafla 6.1. að bæta skuli aðgengi fyrir fatlað fólk í víðum skilningi að borgarlandi, húsnæði, þjónustu og upplýsingum. Í kafla 6.2. segir að þjónusta verði samþætt og gerð einfaldari og aðgengilegri út frá þörfum notenda og íbúa. Í kafla 6.3. er fjallað um samtal og þáttöku íbúa. Stafræn umbreyting borgarinnar auðveldi aðgengi að upplýsingum til allra hópa og gefi þeim rödd. Gagnvirkta samtal sé milli Reykjavíkurborgar og íbúa og þess sérstaklega gætt að ná til fólks með fjölbreyttan tungumála- og menningarbakgrunn og viðkvæma og jaðarsetta hópa. Tryggja aðgengi allra borgarbúa að kosningum með tilliti til aðgengis og að efni sé auðskilið.

Við samþykkt aðgengisstefnu skal í framhaldi öll stefnumótun borgarinnar endurspeglar inntak hennar.



Reykjavík



## ERINDISBRÉF

### Stýrihópur um heildstæða stefnu í aðgengismálum

**Ábyrgðarmaður:**

Borgarstjórinn í Reykjavík.

**Hlutverk stýrihóps:**

Stýrihópurinn hefur það hlutverk að marka heildstæða stefnu um aðgengismál í víðum skilningi í Reykjavík með algilda hönnun að leiðarljósi, bæði hvað varðar aðgengi að byggingum og borgarrýmum og hvað varðar aðgengi að upplýsingum og þjónustu.

Í vinnu sinni byggi stýrihópurinn á þeim skýrslum og úttektum sem þegar hafa verið unnar innan borgarkerfisins til viðbótar við utanaðkomandi rannsóknir, þekkingu og reynslu hérlandis sem erlendis. Þar að auki taki stýrihópurinn mið af samþykktri stefnu Reykjavíkurborgar um aðgengismál frá árinu 2004.

**Helstu verkefni:**

- Að gera tillögu um heildstæða stefnu Reykjavíkurborgar í aðgengismálum með algilda hönnun að leiðarljósi sem m.a. taki til hönnunar bygginga og borgarrýma, þjónustu og upplýsingaveitingar. Í stefnunni skal haft að leiðarljósi að koma til móts við ólíkar þarfir mismunandi hópa.
- Að skilgreina hvernig upplýsingamiðlun eigi að vera háttáð svo hún mæti aðgengisþörfum fatlaðs fólks.
- Að horfa til algildrar hönnunar við þjónustuveitingu þannig að umhverfi og þjónusta gagnist sem flestum.
- Að huga að aðgengi að húsnæði í eigu borgarinnar eða húsnæði sem borgin leigir fyrir starfsemi sína.
- Að yfirla verkferla til að tryggja að allar framkvæmdir auki aðgengi með algildri hönnun að leiðarljósi sem og að aðgengi sé með bestu móti á framkvæmdatíma.
- Að gera tillögu um innleiðingaráætlun á grundvelli stefnunnar.

**Stýrihópinn skipa:**

Dóra Björt Guðjónsdóttir, Egill Þór Jónsson og Þorkell Heiðarsson.

**Starfsmenn:**

Fulltrúar mannréttinda- og lýðræðisskrifstofu, velferðarsviðs, þjónustu- og nýsköpunarsviðs og umhverfis- og skipulagssviðs starfi með hópnum.

**Til ráðgjafar og samstarfs:**

Við gerð stefnunnar skal haft samráð við notendur þjónustunnar og aðra hagsmunaaðila. Að auki leiti starfshópurinn ráðgjafar innan og utan borgarkerfis hjá aðilum með sérþekkingu á viðfangsefninu.

**Starfstímabil:**

Niðurstöður stýrihópsins verði lagðar fyrir borgarráð fyrir lok 15. febrúar 2021.

Reykjavík, 11. september 2020.



Dagur B. Eggertsson